

## **Decisiuns dalla radunanza communal Surses**

La radunanza communal Surses digls 30 d'avost ò

- approvo unanimamaintg igl credit d'impegn da fr. 400'000.00 per realisar la fixaziun dalla piazza da rimnada e zavrada Gneida a Salouf. Igl madem mument è la suprastanza communal neida incumbensada cun l'execuziun.
- approvo cun 129 cunter 4 vouchs igl credit d'impegn brut da fr. 760'000.00 per realisar igl Parc Ela Trek «Tgamona da Set». Igl madem mument è la suprastanza communal neida incumbensada cun l'execuziun.
- accepto cun 133 vouchs e nigra cuntervouch la revisiun parziala dalla planisaziun locala pertutgont la zona d'industreia Gravas a Tinizong. Ossa succeda l'exposiziun publica da recurs correspondentia.
- decida cun 130 vouchs cunter 1 vouch da vender agls conjugals Christa e Stefan Hungerbühler da Cunter la parcella da biagier nr. 8260, Davos-Clavo, Salouf. La vendita succeda sen basa digl reglamaint digl anteriour cumegn da Salouf pertutgont la vendita e la cunsigna da taragn an dretg da biagier a Davos-Clavo e La Gneida.
- approvo cun 128 cunter 3 vouchs la lescha da carar sen veias da fons, prada, gôt ed alps digl cumegn da Surses cun ena midada digl art. 7 alineia 1 lit. a. Cun chella midada vignan concedidas max. treis lubientschas e tottas treis èn transferiblas. L'antrada an vigour dalla lescha vign publitgeida da maniera uffiziala, siva tgi la signalisaziun correspondentia è fatga.
- piglia cunaschientscha da diversas infurmaziuns digl cumegn.

Igl protocol dalla radunanza communal digls 30 d'avost ò da neir publitgia igl pi tard en meis siva la radunanza cun en termin d'exposiziun da 30 deis. Igl termin d'exposiziun exact vign communitgia a taimp util aint igl figl uffizial digl cumegn.

Tinizong, igls 30 d'avost 2021

**Suprastanza communal Surses**